



Tuhaayakhaq

Qillaminuaq tuhaqtitauyukhaq

Akausisarvik Ihumaqluktunut Mamiqhaivikhangit taima Aituiquyut Amigaitunik Ikayuutikharnik talvuuna Ikayuktikhailiuqtunut

IQALUIT, Nunavut (Qiqaiyaqluaqvia 17, 2013) – Nunavut Kavaman nuutiqtauhimayuq Akausisarvik Ihumaqluktunut Mamiqhaivikhangi nuutaamun ihuaqhaqtauhimayunut tunngavikhaqnun taima havagvik ihuaqhajiyumiqtitiyaangat amigaiqyumiqtitiyaangatlu ikayuutikhqaqnik ikayuktikhailiuqtunut.

Tamna nuutirniq nuutaanguqtirniqlu tapfuminga Akausisarvik quviahuitigiyauyuq ublumi taima kipluiqnikkut tapfuminga nattiqmik qupakhanut taima ilitagittitiyaangat angmaqtitirinikkut tapfuminga Nunavutim ihumaluktunut mamiqhaivikhangit talvani Iqalungni.

“Tamna nuutinga tapfuminga Akausisarvikmik taima hivulliuyuq tumitjutikhaq talvani Inuuhirinikkut Havagviangit pangnairutingni taima ilitugipkaiyaangat angikliyumiqtitiyaangatlu ihumaqluktunut inuuhirinikkut havaaqhangit ikayuutikhangitlu,” uqallaktuq Nangariyauyuq Keith Peterson, Ministauyuq Munarhiliqiyikkutni. “Nunavut Kavaman tutquqtithimayut manikhaqnik \$860,000-mik taima angikliyumiqtitiyaangat ihumaqluktunut katimavikhaanik havaaqhangi talvani Akausisarvik uvani ukiukmi.”

Tamna Akausisarvik Ihumaqluktunut Mamiqhaivikhaq nuutiqhimayuq talvuna hiniktaqviugaluaq aannialiaqtunut taiguqvraqtugaluaq(Tammaativvik-mik). Tamna 2.4 milian tallamik manikhaqvikhaq aituihimaqtun 24nik ikaakninik, saivaniklu ubluk tamaat munaqtiaqhimaqtun talvani havagvingmi taima ikayugiangat 15nik aanniaqtunut taimalu 40nik aniqataaqtunut ihumaqluktunut ikayuktaunginaqtun.

Taima havaktinikpiaqan, tamna ihumaqluktunut havagviangat havaktiqaqniaqtuq ihumaqluktuliqiyimik munarhimik atanguyangmik, malrungnik ihumaluqtuliqiyunut munarhinik, pingahunik uqautjiukhanik, 10nik inuuhirinirmun ayuittiagiikhimayunik havaktinik, titiraqtimik, igaviani atanguyaqmkik ikayuktihaniklu havaktiqaqniaqtun.

###

ᓇᓱᐊᕗᑦ ዘመᓂ ለᓇᓱᐊᕗᑦ News releases are available in Inuktitut, English, Inuinnaqtun and French on www.gov.nu.ca.

Tuhaqtaghat ittut Inuktitut, Qablunaatitut, Inuinnaqtun Uiviiititullu talvani www.gov.nu.ca.

Les communiqués de presse sont disponibles en inuktitut, en anglais, en inuinnaqtun et en français à : www.gov.nu.ca.

Tuhaqtitiliqiyi Hivayaqlugu:

Ron Wassink
Tuhaqtitiliqiyi Ayuittagiikhimayuq
Munarhiliqiyikkut
867-975-5710
rwassink@gov.nu.ca